

Transkription von Stadtbucheintrag HWI 1400b

Ort, Datierung: Wismar, 1400-??-??

Signatur: Stadtarchiv Wismar, Liber proscriptorum, S. 50-51

Inhalt: Rat der Stadt Wismar: Verfestungseinträge

[...] boghe heft laten vor vesten hans vresen v(m)me dat / [...] anghewracht ene vulkomene wunden vn(de) v(m)me de vare / [...] des dar he syk v(m)me heft gheue(n) in ene vore vlucht vn(de) is / [...] myt alme rechte /

[...] schüne heft laten vor vesten merten mateweses hans / [...] wesens peter matheweses vn(de) hinryk crüne v(m)me dat se em / [...] angewracht ij benbroke vn(de) ij blūt vn(de) blaw vn(de) dar he se / eme vor wu(n)nen myt alme lubesche rechte In der jegenwardycheyt / [...] Sellyus vn(de) h(er) hinrykes van klene¹ /

Hinrik stenuelt des beckers sone heft vor zworen de stad by / sime leue(n)de v(m)me dat he syne(n) vader sluch vn(de) auele handelde /

Clawes stenvelt heft laten vor vestet clawes sassen v(m)me / dat he em heft ge stolen en perd von der wisch dar he v(m)me is / vor wu(n)nen myt alme lubeschen rechte inder heren jege(n)war/dicheyt vorbenomet /

Hans arendes vn(de) hans hase vn(de) clawes crūs latet vor / vesten küneke weddermoden myt eren / mede hulperen v(m)me dat se se hebbet be rouet vn(de) to slage(n) / do se weren to deme jarmarkedede dar se v(m)me synt / vor wu(n)nen myt alme lubeschen rechte inder jege(n)wardicheyt / h(er) berent Sellyus vn(de) h(er) hinrikes van klene /

Hans Schulenbrük lubbeke tuckezwert vn(de) / hans sweder de synt vor vested v(m)me den / dot slach den se deden in gerdynges sone yn / nacht slapender tyd dar se sik v(m)me geuen yn ene / vore vlucht vn(de) synt dar v(m)me vor wu(n)nen myt / alme lubeschen rechte In der heren jegenwardycheyt / h(er) johan volmers vn(de) her kurd manderowen /

Hans Schülenbrük lubbeke tuckezwert vn(de) hans/ sloeder de synt vor vested dar v(m)me dat se [...] / schütten hebben angewracht vn(de) blūt vn(de) blaw [...] / nacht slapender tyd to der suluen tyd do se [...] / slughen dar se syk v(m)me hebben gheuen in ene / vore vlucht vn(de) synt dar v(m)me vor wu(n)nen myt / alme lubeschen rechte inder heren jegenwardycheyt / vor benomet /

Hynryk sasse heft vor zworen de stad by syne / leuende v(m)me dūerye de he dede yn melsakkes maget /

¹ Absatz durchgestrichen